



STEPS BILONG HALIVIM VOT

**My Country
My Right to Vote
For a Healthy Nation**






ISI LONG RIDIM GAID
2022 NESENEL ILEKSEN

CONTENTS

OI minin bilong ol word yu mas save	1
Vot long taim bilong ileksen	4
Limitet Preferensel Vot	6
Taim yu go long ples bilong poling	8
Insait long Poling But.....	10
Kisim balot pepa bilong yu	12
Makim balot pepa bilong yu.....	14
Balot Bokis	16
Bai mi kisim halivim long vot olsem wanem?	18
GEDSI	20

OL WORD YU MAS SAVE



Sitisen

Wanpela manmeri husat i isim rait na fridom bilong kantri we em i stap long em.

Ilektroral Rol

Lis bilong nem bilong ol vota.

Vot

Vot i larim yu long autim nek bilong yu long husat yu laikim long ronim kantri bilong yumi.

Taim yu vot, yu halivim longmakim husat bai i kamapim Gavaman bilong PNG.


Ileksen

Nesenel Ileksen em I bilong olgeta hap long kantri. Em i wei bilong yumi long makim gavaman bilong PNG.



Ol Vota

Manmeri husat i ken long vot.




Balot Bokis

Bokis bilong putim balot pepa bilong yu bihain long taim yu pinis vot. Bai i gat tupela balot bokis.




Prisiaiding Opisa

Prisiaiding Opisa em i hetman bilong poling tim. Askim Prisiaiding Opisa sapos yu gat sampela askim.



Balot Pepa

Em pepa yu makim taim yu vot.



Provins

Ol liklik hap ples insait long PNG we yu save stap long em.


Ilektoret

Ples bilong vot we yu save stap long em igat ol Open Ilektoret (Distrik) na ProvinSEL Ilektoret.



Ples bilong Poling

Ples olgeta manmeri i save pinis olsem em bai kamap ples bilong yu long go long em long vot. Ol dispela kain ples i olsem skul o wanpela publik plei graun.





Poling But

Hap ples insait long poling ples we Poling Tim i makim pinis na i putim mak long em (lain bilong kontrolim manmeri i mas noken i go insait) Na i ples we ol samting bilong vot olsem teibol na Balot bokis i stap long em.

VOT LONG TAIM BILONG ILEKSEN

EVERY
5 years



Long PNG, Nesenel Ileksen i save kamap insait long 5 pela krismas bihain long las ileksen.

Nesenel ileksen em i bilong olgeta hap long kantri. Kala bilong balot pepa bilong Open ilektoret i **PINK** ■■■■■ Kala bilong balot pepa bilong ProvinSEL IlektoRET i **BLUE** ■■■■■ Ol balot pepa i no nap go insait long wapel a bokis tasol. Ol i mas go insait long wanwan bokis i gat kala wankain long kala bilong balot pepa.

Yumi save votim ol memba bilong Palamen long taim bilong Nesenel Ileksen.

Poling long 2022 Nesenel Ileksen bai i stat long namba 2 dei long mun July, tasol deit bilong stat i no wankain long olgeta provins bilong kantri.


Progrem bilong poling bai i tosave long yu long wanem ples na dei bai yu ken igo long Poling But na vot.



Bihain long pinis bilong kauntim olgeta vot na bringim bek ol ileksen rit i go long Ilektoral Komisin long namba 29 dei bilong mun July o bipo long dispel dei, dispel taim em bai makim pinis bilong 2022 Nesenel Ileksen.

Yu bai bihainim gut program bilong poling na yu ken go vot long poling but i stap klostu long ples yu stap long em. Yu no ken go kamap long poling ples long ol dei we bai vot i no nap kamap olsem Sarere na Sande Ol Poling Tim bai i gat rol bilong Wod wantaim nem bilong ol manmeri husat bai inap long vot. Nem bilong yu tu i mas stap insait long dispel rol bilong Wod.

Konstitusen bilong Papua Niugini i givim rait bilong yu long vot.



Ileksen long Papua Niugini em i wok bilong Ilektoral Komisin.

LIMITET PREFERENSEL VOTING




Papua Niugini nau i usim sistem bilong vot ol kolin **Limitet Preferesenel Voting**.

<input type="checkbox"/> 1	<u>candidate A</u>
<input type="checkbox"/> 2	<u>candidate B</u>
<input type="checkbox"/> 3	<u>candidate C</u>

<input type="checkbox"/> 1	<u>candidate D</u>
<input type="checkbox"/> 2	<u>candidate E</u>
<input type="checkbox"/> 3	<u>candidate F</u>

Yu bai makim tripela Kendidet yu laikim long votim long wanpela balot pepa. Ol Vota bai makim tripela lain ol i laik votim long Open Ilektoret balot (PINK) na tripela long ProvinSEL Ilektoret balot (BLUE).

Long soim oda bilong laik bilong yu long ol Kendidet, bai yu soim olsem;



Em soim namba Wan laik bilong yu long dispel kendidet.



Em soim namba Tu laik bilong yu long dispel kendidet.




Em soim namba Tri laik bilong yu long dispel kendidet.

STEPS BILONG HALIVIM VOT | ISI GAID LONG RIDIM

A pink ballot box containing three numbered boxes for voting. The first box contains "1 candidate A", the second "2 candidate B", and the third "3 candidate C".

A blue ballot box containing three numbered boxes for voting. The first box contains "1 Candidate D", the second "2 Candidate E", and the third "3 Candidate F".

Yu mas makim 6 pela Kendidet long taim bilong ileksen; Tripela bilong Open balot (PINK) na Tripela bilong Provin sel balot (BLUE).



Sapos yu no makim Tripela Kendidet long balot pepa bai balot bilong yu i nogut na i no nap bai ol kautim.

A grey ballot box containing three numbered boxes for voting. The first box contains "1 candidate A", the second box contains "2 32", and the third box contains "3 candidate B".

Yu mas raitim nem o identifikesen (ID) namba bilong Kendidet long balot pepa bilong yu.

An empty grey ballot box containing three numbered boxes for voting. The first box contains "1 _____", the second box contains "2 _____", and the third box contains "3 _____".

Wanwan balot pepa bai i gat speis bilong Tripela nem o Identifikesen (ID) namba long em.

TAIM YU GO LONG PLES BILONG POLING




Yu bai vot long ples bilong Poling long taim bilong jenerel ileksen.



Bai yu i ken karamapim maus na nus bilong yu wantaim mask taim yu go long ples bilong poling.



Man o meri husat i wok long lukautim doa bai em i lukautim tu ol lain bilong man na meri long ples bilong poling.



Man o meri i go pas long Kovid-19 bai em i mas tokim ol vota long sanap longwei long narapela.



Ol man na ol meri bai i buruk igo long vot long poling but bilong ol yet taim ol i sanap long lain long ples bilong poling.

Ol man na ol meri bai i sanap long wanwan lain bilong ol yet long ples bilong poling.

STEPS BILONG HALIVIM VOT | ISI GAID LONG RIDIM



I gat sampela lain manmeri bai nidim halivim long ples bilong poling. Ol i mas kisim gutpela luksave na Halivim taim ol i kam long lain.



Ol diseibol manmeri i mas kisim halivim na go long het bilong lain.



Ol lapun manmeri i mas kisim halivim long go long het bilong lain.



Ol meri i gat beibi long bel i mas kisim halivim long go long het bilong lain.

Ol manmeri i kam wantaim ol liklik pikinini i mas kisim halivim long go long het bilong lain.



Kamap long ples bilong poling wantaim mask long pes bilong yu.

Wasim han bilong yu long sop o sanitizer pastaim long yu go insait long ples bilong poling.

TAIM YU STAP INSAIT LONG POLING BUT



I gat ol Pol Klak bai i stap redi long halivim yu taim yu go insait long poling but.

Bai i gat ol Pol Klak bilong halivim ol man yet na bilong ol meri yet.

Pol Klak bilong halivim ol man bai i stap klostu long Prisaiding Opisa.

Pol Klak bilong halivim ol meri bai i stap klostu long Asisten Prisaiding Opisa.




Kolim nem bilong yu igo long Pol Klak.

Em bai sekim nem bilong yu long Nem Lis o Rol blong ol Vota na toksave sapos nem bilong yu i stap.

Yu bai tokim Pol Klak olsem yu no vot yet long 2022 jenerel ileksen.


STEPS BILONG HALIVIM VOT | ISI GAID LONG RIDIM



Pol Klak bai askim yu long soim han bilong yu long em.



Em bai laik lukim olsem i nogat wanpela mak i stap long han bilong yu.





Pol Klak bai tokim yu long klinim liklik pinga long lep han bilong yu.

Pol Klak bai makim liklik pinga long lep han wantaim strongpela ink bilong Vot.


Sapos Klak i no nap putim ink long liklik pinga bikos em i gat hevi olsem sua o em i bruk o em i pen o em i no stap long han, bai Klak i putim ink long pinga klostu long em na bai i go olsem sapos narapela pinga tu i gat hevi long em.

KISIM BALOT PEPA BILONG YU



Yu bai kisim Tupela balot pepa bilong yu bihain long Klak i putim ink long pinga bilong yu.

Bai yu kisim wanelala Pink balot pepa bilong votim Open Ilektoret Kendidet na Blue balot pepa bilong votim Provinsele Ilektoret Kendidet.



Wanwan balot pepa bai i go insait long wan wan bokis i soim kala bilong em.




Wanelala Poling Opisa bai givim yu long ol balot pepa bilong yu.

Oi man bai kisim balot pepa bilong ol long Prisiaiding Opisa.


STEPS BILONG HALIVIM VOT | ISI GAID LONG RIDIM




Oi meri bai kisim balot pepa bilong ol long Asisten Prisaiding Opisa.



Poling Opisa bai raitim Tupela fes leta bilong makim nem bilong em long baksait long balot pepa bilong yu.



Poling Opisa bai kamautim balot pepa bilong yu insait long buk bilong ol balot pepa.




Poling Opisa bai putim balot pepa bilong yu long arere bilong teibol.

Bai yu kisim pepa bilong yu i stap long arere bilong teibol.


Bai Poling Opisa i tok klia long yu long wei bilong vot.

Bai Poling Opisa i salim yu i go long wanpela emti teibol bilong bokis bilong vot.


MAKIM BALOT PEPA BILONG YU



Yu bai go long teibol bilong bokis bilong vot bihain long Poling Opisa i tok klia long yu long wei bilong vot.




Ol man bai i gat teibol bilong bokis bilong vot bilong ol yet na ol meri bai gat bilong ol yet.




Yu bai usim wanelala pen i stap insait long bokis bilong vot long rait long balot pepa bilong yu.

Yu bai rait na makim vot bilong yu long Tupela balot pepa taim yu stap long teibol bilong vot.


STEPS BILONG HALIVIM VOT | ISI GAID LONG RIDIM



Yu bai foldim wanwan long tupela balot pepa bilong yu long namel bihain long yu raitim vot.





Kisim balot pepa bilong yu taim yu lusim teibol bilong bokis bilong vot.




Toksave long Poling Opisa sapos yu no makim gut o yu mekim mistek long balot pepa bilong yu.

Em bai ken givim yu nupela balot pepa long raitim gut vot bilong yu gen.

BALOT BOKIS



Taim yu pinis long rait long balot pepa bilong yu na yu lusim teibol bilong bokis bilong vot, bai yu putim balot pepa bilong yu insait long balot bokis.



I gat wanpela **Balot Bokis Gad** i lukautim balot bokis . Em bai soim yu long wanem bokis stret bai yu putim balot pepa bilong yu insait.

PINK balot pepa bai i go insait long PINK bokis na BLUE balot pepa bai go insait long BLUE bokis.

Tingim, han bilong yu i no ken tasim balot bokis.

STEPS BILONG HALIVIM VOT | ISI GAID LONG RIDIM



Balot Bokis Gad bai i tokim yu long wasim han bilong yu long han sanitizer.



Bai yu lusim Poling But
bihain long taim yu putim ol
Balot pepa bilong yu insait
long ol Balot Bokis.



Bikpela Hamamas tru long
yu!

Yu vot pinis long 2022
Nesenel IlekSEN!

BAI MI KISIM HALIVIM LONG VOT OLSEM WANEM?



Ol Poling Opisa i ken halivim yu long vot.

I gat sampela lain manmeri bai nidim halivim long ples bilong poling. Ol i mas kisim gutpela luksave na Halivim taim ol i kam long lain.

Ol diseibol manmeri i mas kisim halivim long go long het bilong lain.

Ol lapun manmeri i mas kisim halivim long go long het bilong lain.

Ol meri i gat beibi long bel i mas kisim halivim long go long het bilong lain.

Ol manmeri i kam wantaim ol liklik pikinini i mas kisim halivim long go long het bilong lain.

Man o meri husat i wok long lukautim doa bai i halivim yu taim yu kamap long lain bilong poling.


STEPS BILONG HALIVIM VOT | ISI GAID LONG RIDIM



Husat man i nidim halivim stret i ken go long het bilong lain bilong ol man yet.



Husat meri i nidim halivim stret i ken go long het bilong lain bilong ol meri yet.



Oi Diseibol manmeri i ken usim ol samting o masin bai i ken halivim ol long vot.



Oi Diseibol manmeri i ken usim glas long halivim ol long lukim gud balot pepa na rait .

Oi Diseibol manmeri i ken kisim wapelala man o meri i go wantaim ol long halivim ol long vot.

JENDA IKWITI DISEBILITI NA SOSEL INKLUSEN (GEDSI)

GEDSI bai kirapim bikpela luksave long kamap bilong nupela pasin we i burukim ol man na meri long go long ol Poling But bilong ol yet. Dispela senis em llektorel Komisin i bin traim long 2017 Nesenel Ilekken na 2019 LLG Ilekken na long ol By-Ilekken bin kamap i no long taim pinis .

Insait long plan bilong Poling, bai luksave long diseibol manmeri i stap insait tu we ol bai kisim gut halivim na painim isi long go vot insait long Poling But. Ol bai ken kisim wanelala man o meri i go halivim ol insait long Poling But.

Ol diseibol manmeri, ol lapun manmeri, ol meri gat beibi long bel, na ol vota go wantaim ol liklik pikinini bilong ol bai kisim luksave na halivim long aburusim ol longpela lain long ples bilong Poling. Wantaim long dispela senis long burukim lain bilong ol man na ol meri yet, husat man vota wantaim spesol nid bai kisim halivim long go long het bilong lain bilong ol man, na ol meri tu bai kisim wankain halivim. Man o meri husat i lukautim doa na soim ol vota long go long poling lain em i gat wok tu long lukim olsem ol man na meri nidim spesol halivim bai mas go long het lain bilong man yet na bilong meri yet.

Prisaiding Opisa em hetman long mekim disisen bilong ol beisik wok bilong ol Poling Tim.

Sapos pasin bilong kros pait o bagarap na birua kamap long ol meri, kolim Kaunselin Helpim Lain long namba: 7150 8000 na ripotim ol dispela hevi. Dispela lain i stap

open 24/7 na kolim ol tu sapos yu nidim halivim o yu laik painim aut long wanem ol narapela kain sevis tu i stap long komuniti bilong yu. Wanem kain hevi ol meri bungim na pilim olsem lleksen i kamapim long ol, ol i mas ripotim long Polis Opisa i was long ples bilong Poling o Family Sexual Violence Unit insait long Provins

Sapos lleksen i kamapim bikpela hevi long wanelala meri, em mas ripotim long Family Sexual Violence Unit bilong Polis.



STEPS BILONG HALIVIM VOT

ISI LONG RIDIM GAID